

# WAXAA UGA BAAHAN TAHAY INAAD KA OGAATO HABRAACA MAGANGALYADA EE XUDUUDKA



## Waxaad hadda ku sugan tahay itaaliya, kaasoo ah waddan ka tirsan EU+.

### Waddamada EU+ waa:



27-ka Dowladdood ee Xubnaha ka ah Midowga Yurub (EU): Austria, Belgium, Bulgaria, Croatia, Cyprus, Czechia, Denmark, Estonia, Finland, France, Germany, Greece, Hungary, Italy, Latvia, Lithuania, Luxembourg, Malta, Netherlands, Poland, Portugal, Republic of Ireland, Romania, Slovakia, Slovenia, Spain, Sweden iyo



4 waddan oo kale: Iceland, Liechtenstein, Norway iyo Switzerland.

## TUSMADA

Waa maxay ilaalinta caalamiga ah (magangalyada)?	3
Waa maxay habraaca magangalyadu?	4
➤ Waa maxay habraaca magangalyada ee xuduudka?	6
➤ Intee inle'eg ayay qaadan kartaa?	7
➤ Waa halkee goobta iyo goorta ay ka dhici doonto diiwaangelinta iyo gudbinta codsigaagu?	-
➤ Maxaa dhici doona inta lagu guda jiro diiwaangelinta iyo gudbinta codsiga?	-
➤ Muxuu noqon doonaa habraacu haddii ay kula socdaan carruur ama qof weyn oo kugu tiirsan?	-
➤ Waddanke ayaa baadhi doona codsigaaga?	-
➤ Sidee ayaa codsigaaga loo badhi doonaa?	-
➤ Sidee ayaad ku heli doontaa go'aanka codsigaaga ilaalinta caalamiga ah?	-
Waa maxay xuquuqahaagu?	-
Waa maxay waajibaadkaagu?	-
Waa maxay cawaaqibka ka dhalan kara haddii aanad kasoo bixin waajibaadkaas?	-
Sidee ayay maamulka u tixgelin doonaan baahiyaha gaarka ah?	-
Maxaa dhici doona haddii aad rabto inaad ku laabato wadankaaga?	-

## ➤ WAA MAXAY ILAALINTA CAALAMIGA AH?

Waxa laga yaabaa inaad u baahato ilaalin caalami ah haddii aadan ku laaban karin wadankaaga sababtoo ah waxaad ka baqaysaa cadaadis ama khatar dhab ah oo dhibaato weyn kugu ah. Tani waxay ka dhigan tahay, tusaale ahaan, in noloshaada ama xorriyaddaada ay khatar ku jirto, isla markaana maamulka wadankaagu aanu kaa ilaalin doonin khatarta aad wajahayso.

Waxaa xaq u leedahay inaad codsato ilaalin caalami ah.

Yurub gudaheeda, ilaalinta caalamiga ah waxay qaadan kartaa dhawr nooc oo kala duwan: **xaalada qaxoontiga** ama **ilaalinta aan buuxin**.

Ilaalinta caalamiga ah waxa sidoo kale loo yaqaanaa magangalyada.



## ➤ WAA MAXAY HABRAACA MAGANGALYADU?

Inta lagu jiro habraaca magangalyada, maamulku waxay qiimayn doonaan haddii aad u baahan tahay ilaalin caalami ah, haddii ay sidaas tahayna, nooca ilaalinta ee kugu habboon. Inta lagu jiro habraaca waxaad fursad u heli doontaa inaad sheegto dhammaan sababaha aad uga tagtay gurigaaga iyo dalka aad asal ahaan kasoo jeedo. Si daacadnimo leh ugu sheeg saraakiisha dhammaan sababaha aad uga soo tagtay dalkaaga.

Markaad weydiisato ilaalin caalami ah, waxaa laguu tixgeliyaa codsade ilaalin caalami ah.



Macluumaad kasta oo aad la wadaagto maamulka waxay ahaan doonaan kuwo sir ah. Macluumaadkan lalama wadaagi doono kuwii aad kasoo carartay.

Habraaca magangalyadu waxa kamid ah tallaabooyinkan soo socda.

### Imaanshaha Yurub




<b>1 Samaynta codsiga</b>	<b>2 Diwaangalinta codsiga</b>	<b>3 Gudbinta codsiga</b>

**Go'aaminta wadanka EU+ ee ka masuulka ah baadhista codsiga**

Gudbinta suurogalka ah ee wadanka kale oo EU+ ah

**5 Ogeysiiska go'aanka**

**4 Waraysiga gaarka ah**



## ➤ WAA MAXAY HABRAACA MAGANGALYADA EE XUDUUDKA?



Habraaca magangalyada ee xuduudka micnahiisu waxa weeyi inta lagu jiro baadhista codsigaaga:

- waa inaad joogto goobta laguugu talagalay oo
- laguuma ogolaan doono inaad gasho gudaha litaaliya adigoo aan haysan ogolaansho.

Haddii ay kula socdeen qoyskaaga, waxaa lagu dejin karaa adiga iyo xubnahaaga qoyska ee kuu dhaw (xaaskaaga, lamaanahaaga, carruurta yar-yar iyo carruurta waaweyn ee kugu tiirsan).

**Habraaca magangalyada ee xuduudka waxa lagu codsan karaa mid kamid ah caqabadahan soo socda:**



- waxaad u timiday si aan joogto ahayn oo waxaad weydiisatay ilaalin caalami ah intii aad ku sugnayd xuduudka laga talaabay ama goob lagasii gudbayo



- waxaad si aan joogto ahayn uga gudubtay xuduudka



- waxaa lagaasoo badbaadiyay badda



- waxaa lagaasoo wareejiyay waddan kale oo EU+ ah

Habraaca magangalyada ee xuduudka waxa loo codsadaa dhawr sababood, tusaale ahaan haddii:

- aad si kutalagal ah usoo bandhigtay macluumaad been ah ama dhokumantiyo, ama aad hayso macluumaad kula xidhiidha ama dhokumantiyo la xidhiidha aqoonsigaaga ama dhalashadaada, ama waxaad burburisay aqoonsi ama dhokumanti socdaal; ama
- waxaad keenaysaa khatar amni; ama
- Dadka ka soo jeeda dalkaaga ee codsada ilaalin caalami ah badanaa ma waajahaan halis ah in la ciqaabo ama la gaadhsiyo dhaawac weyn.

Waxaad weydiin kartaa maamulka sababta habraaca magangalyo ee xuduudku loogu dabaqay kiiskaaga.

## ► INTEE INLE'EG AYAY QAADAN KARTAA?



Habraaca magangalyo ee xuduudku wuxuu qaadan karaa ilaa 12 toddobaad laga bilaabo maalinta codsigaaga la diwaangaliyay. Haddii lagu wareejiyo dal kale oo EU+ ah, habraacu wuxuu qaadan karaa ilaa 16 toddobaad.

Haddii aadan ku helin go'aan muddadan gudaheeda, waxaa lagu oggolaan doonaa inaad gasho dhulka dalka lagu baadhayo codsigaaga.

Xaaladaha gaarka ah, waxaa laga yaabaa in weli aan lagu oggolaan inaad gasho dhulka oo si xor ah u dhaqaaqdo, inkastoo aadan helin go'aan 12 ama 16 toddobaad gudaheeda ah. Maamulku wuxuu kugu wargalin doonaa oo ku siin doonaa sharaxaad dheeraad ah haddii ka reebistan ay kugu habboon tahay.

## ➤ WAA HALKEE GOOBTA IYO GOORTA AY KA DHICI DOONTO DIIWAANGELINTA IYO GUDBINTA CODSIGAAGU?

Ilaa 31/10/2026, codsigaaga ilaalada caalamiga ah waxa lagu diwaangalin doonaa oo gudbin doonaa questuurada ama booliska xuduudaha, taariikhda iyo wakhtiga lagula soo xidhiidhi doono taariikhda iyo saacada. Tani waa inay dhacdo ugu yaraan inta lagu jiro 5 maalmood oo ah samaynta ama dhammaadka baadhista.

Waxaa aad muhiim u ah inaad tagto ballantan oo aad gudbiso codsigaaga. Haddii aad ku guuldareysato inaad gudbiso codsigaaga, waxaa loo tixgelin doonaa mid laga laalay, ilaa sababta guuldareysiga ay ka baxsan tahay awooddaada. Tani waxay ka dhigan tahay inaad waayi doonto xaaladdaada codsade, xaqa aad u leedahay taageero iyo adeegyo, iyo xaqaaga inaad ku sii joogto dalkaas.



➤ **MAXAA DHICI DOONA INTA LAGU GUDA JIRO  
DIIWAANGELINTA IYO GUDBINTA CODSIGA?**



Farahaaga ayaa la qaadi doonaa.



Sawirkaada ayaa la qaadi doonaa.



Waxaa lagu weydiin doonaa inaad soo bandhigto dhammaan dhukumentiyadaada aqoonsiga, safarka, iyo dhukumentiyada kale ee khuseeya.



Waxa lagu weydiin doonaa inaad sheegto faahfaahinta shaqsiga ah. Waxaa sidoo kale lagu weydiin doonaa xubnaha qoyskaaga ka mid ah ee ku nool dalkaas ama dal Itaaliya oo EU+ ah. Macluumaadka dheeraadka ah waa la ururin doonaa sida luqada aad ku hadashid iyo haddii ay jiraan arin dheeraad ah oo aad u baahantahay.



Waxa lagu weydiin doonaa inaad bixiso faahfaahinta halka lagaala soo xidhiidhayo (cinwaanka, lambarka taleefanka iyo cinwaanka iimaylka).



Adiga iyo alaabtaada waa la idin baadhi karaa. Hantidaada gaarka ah waxay ahaanaysaa mid adiga kuu gaar ah waxaana lagu soo celin doonaa, marka laga reebo hantida loo arko mid khatar ah.



Waxaa laga yaabaa inaad gasho baadhitaan caafimaad.



Waxaa lagu weydiin doonaa inaad soo gudbiso dhammaan macluumaadka iyo dhukumentiyada la heli karo ee taageeraya codsigaaga. Tani waxaa kamid ah macluumaadka iyo dhukumentiyada ku saabsan:

- wadankaaga hooyo iyo waddan kasta oo aad ku soo noolaatay
- sababaha aad uga soo tagtay wadankaaga iyo sababta aanad u rabin inaad u laabato
- asalkaaga iyo asalka qoyskaaga
- faahfaahin ku aadan safarkaaga aad ku tagtay ee ku dhex joogto Yurub
- codsiyadii hore ee ilaalinta caalamiga ah.

Kala horaynta tallaabooyinkan wuu kala duwanaan karaa, laakiin dhammaan codsadyaasha si isku mid ah ayaa loola dhaqmaa. Xogta la ururiyey si ammaan ah ayaa loogu kaydin doonaa xog-ururinta qaranka iyo tan Yurub.

Waxa waajib kugu ah oo danahaagu ku jiraan inaad sheegto runta oo aad la shaqayso maamulka.



Marka aad is diwaangaliso codsigaaga, waxaad heli doontaa dhokumanti rasmi ah kaasoo sheegaya inaad tahay codsade ilaalin caalami ah.

Waa inaad mar walba la socotaa.

## ➤ MUXUU NOQON DOONAA HABRAACU HADDII AY KULA SOCDAAN CARRUUR AMA QOF WEYN OO KUGU TIIRSAN?



Haddii ay kula socdaan:

- carruurtaada oo ka yar da'da 18 ama
- carruurta ka yar da'da 18 kuwaasoo aad masuul ka tahay sharci ahaan

waxay u baahan yihiin inay codsadaan ilaalin caalami ah sidoo kale. Carruurta waxay u baahan yihiin inay kuu raacaan maamulka.

Haddii carruurta ay yihiin 18 sano jir ama ay ka weyn yihiin, waa inay gudbistaan codsigooda.




Haddii aad masuul ka tahay qof 18 sano jira ama ka weyn oo leh naafonimo ka hor istaagaysa inuu go'aan gaadho, waxaad codsan kartaa ilaalin caalami ah oo aad gudbin kartaa codsiga iyaga oo matalaya.

Qofkaas waa inuu joogaa adiga agtaada inta la gudbinayo codsiga.



## ➤ WADDANKEE AYAA BAADHI DOONA CODSIGAAGA?



Waxa lagu dammaanad qaadayaa in dal ka mid ah EU+ uu baadhayo codsigaaga ilaalinta caalamiga ah. Ma dooran kartid wadanka.

Maamulku waxay raaci doonaan habraac lagu go'aaminayo dalka EU+ ee mas'uulka ka noqon doona codsigaaga ilaalinta caalamiga ah. Tan waxaa lagu magacaabaa habraaca go'aaminta masuuliyada.

Si taas loo gaadho, waxaad u baahan doontaa inaad masuuliyiinta u sheegto waxyaabaha soo socda.

- Haddii ay jirto xubin qoyskaaga ka mid ah oo ku sugan waddan kale oo ka tirsan EU+.
- Haddii waddan kale oo ka tirsan EU+ uu hore kuu siiyay fiiso ama dhukumanti deggenaansho. (Fiisahu wuxuu kuu ogolaanayaa inaad booqato wadanka. Tan waxa laguugu dhajin doonaa baasaboorkaaga. Dhukumentiga deganaanshuhu waa dhokumanti kuu ogolaanaya inaad joogto wadanka.)
- Haddii aad hore u gashay waddan kale oo ka tirsan EU+.
- Haddii aad marhore ka codsatay ilaalinta caalamiga ah waddan kale oo EU+ ah.
- Haddii waddan kale oo EU+ ah ku siiyay diblooma aqooneed ama tacliin.

Haddii masuuliyiintu aaminsan yihiin in waddan kale oo ka tirsan EU+ uu mas'uul ka noqon karo baarista codsigaaga, waxaad heli doontaa macluumaad faahfaahsan oo dheeraad ah oo ku saabsan habraacan iyo xuquuqdaada iyo waajibaadkaaga.

Waxaad raadin kartaa macluumaad dheeraad ah buug-yare ka duwan.

## ► SIDEE AYAA CODSIGAAGA LOO BADHI DOONAA?

### BAADHIITAANKA U-QALMITAANKA

Xaalado qaar, waxaa jiri doona baadhis hordhac ah oo ku saabsan codsigaaga.

Baadhistan hordhaca ah waxaa loo yaqaan baadhitaanka u-qalmitaanka waxayna qaadan kartaa ilaa 2 bilood.

Tan macnaheedu waxa weeyi maamulku waxay marka hore baadhi shantan su'aalood ee soo socda.

- Miyaad marhore ka codsatay ilaalinta caalamiga ah waddan kale oo EU+ ah?
- Ma hore ayaad uga heshay ilaalin caalami ah waddan aan ka tirsaneyn EU, halkaas oo aad ammaan ku ahaan karto isla markaana aad ku laaban karto?
- Ma lagu oggolaan karaa inaad dib ugu noqoto waddan aad ammaan ku tahay oo codsigaaga ilaalinta caalamiga ah lagu baadhi karo?
- Ma codsatay ilaalin caalami ah in ka badan 7 maalmood kadib markii la soo saaray go'aan ku saabsan soo celintaada?
- Ma maxkamad ama guddi dambiyo caalami ah ayaa kuu fududeeyay in si ammaan ah lagu geeyo waddan kale, mise maxkamad ama guddi dambiyo caalami ah ayaa haatan ku hawlan arrintaas?
- Ma mar kale ayaad codsatay ilaalin caalami ah kadib markii codsigaaga la diiday adigoo soo gudbin wax xog ama caddeymo cusub? Shayo cusub oo aad soo gudbiso waxay noqon karaan xaqiiqooyin cusub kuwaasoo soo bandhigaya inaad u baahan tahay ilaalin caalami ah.



Waxa lagugu martiqaadi doonaa si lagaaga waraysto su'aalahan. Tan waxa loo yaqaanaa **waraysiga la aqbali karo**. Inta lagu jiro waraysigan, waxaa sidoo kale lagaa weydiin karaa sababaha aad ugu codsatay ilaalinta caalamiga ah iyo sababta aadan u doonaynin inaad dalkaaga ugu laabato.

Iyadoo ku xidhan xaaladahaaga marka loo eego su'aalaha kor ku xusan:

- codsigaaga waa la diidi karaa, ama
- Hannaanka ayaa sii socon doona, waxaana maamulku eegi doonaan haddii aad u baahan tahay ilaalinta caalamiga ah.

Commishanka aqoonsiga iyo megengelyad waxa lagugu wargelin doonaa haddii baadhitaanka u-qalmitaanka uu ku khuseeyo, waxaana lagu sharxi doonaa faahfaahin dheeraad ah.

## ➤ SIDEE AYAA CODSIGAAGA LOO BADHI DOONAA?

### BAADHISTA CODSIGAAGA

Maamulku waxay eegi doonaan haddii aad u baahan tahay ilaalinta caalamiga ah.



Waxa lagugu martiqaadi doonaa waraysiga gaarka ah.

Waxaad heli doontaa martiqaad laguugu soo dirayo boostada/iimaylka/kadib gudbinta/elaktaroonig ahaan/si shaqsi ahaan ah.

Waraysigu wuxuu ku dhici doonaa si fool-ka-fool ah ama, kiisaska gaarka ah, si fogaan arag ah.

Dhagaysiga waraysiga waa la duubi doonaa.

Waraysigu waa fursadda aad ku faahfaahin karto sababaha aad ugu codsanayso ilaalinta caalamiga ah iyo sababta aadan u doonaynin inaad dalkaaga hooyo ku laabato.

Waa inaad kasoo qeybgashaa waraysiga gaarka ah oo aad timaadaa wakhtiga loogu talagalay. Haddii aadan ka soo qaybgelin wareysiga gaarka ah adigoon haysan sabab dhab ah oo caddayn wadata, codsigaaga waxaa loo tixgelin doonaa mid la joojiyey, oo kiiskaagana dib ayaa loo eegi doonaa. Haddii aad diido ka jawaabista su'aalaha inta lagu jiro waraysiga adigoon haysan sabab macquul ah, codsigaaga sidoo kale waxaa loo tixgelin doonaa mid la joojiyey.

Codsade kasta oo qaangaadh ah waxa lala yeelan doonaa waraysi gaar ah.

Carruurtaada waxaa la siin doonaa fursad wareysi lagula yeesho.

Kadib waraysiga gaarka ah, codsigaaga waa la qiimayn doonaa. Maamulku waxay go'aamin doonaan haddii aad heli doonto ilaalinta caalamiga ah ama aanad heli doonin.

Xaaladaha gaarka ah, waraysiga gaarka ah dhici doono. Maamulku wuxuu kugu wargalin doonaa haddii tani ay kugu habboon tahay.

## BAADHISTA CAAFIMAAD



Maamulku waxay kuu sheegi karaan inaad marto baadhitaan caafimaad oo ku saabsan calaamadaha dhibaatooyin hore ama dhaawac culus. Baadhistu waa bilaash oo waxa lagu weydiin doonaa uun ogolaanshahaaga.

Waxaa lagugu wargelin doonaa natiijooyinka baadhitaanka, kuwaasoo lagu tixgelin doono qiimaynta codsigaaga Haddii maamulu aanu codsan baadhitaan, adiguna waxaad codsan kartaa baadhitaanka adiga oo kharashka iska bixiya.

## ➤ SIDEE AYAAD KU HELI DOONTAA GO'AANKA CODSIGAAGA ILAALINTA CAALAMIGA AH?



Go'aan qoraal ah baa laguugu soo diri doonaa boosta/laguugu soo diri doonaa si elaktaroonig ah/si toosaa laguugu keeni adiga ama lataliyahaaga sharci, haddii aad leedahay. Waxaa laguugu soo wargelin doonaa natiijada go'aan luuqada aad fahmi karto.

Haddii go'aanku noqdo mid diidmo ah, sababaha waxaa lagu sharxi doonaa go'aanka, waxaana lagu soo saari doonaa go'aan ku saabsan inaad dalkaga ku laabato.

## SUURTOGALNIMADA RACFAANKA



Haddii aanad ku qanacsanayn go'aanka waxaad qaadan kartaa racfaan. Taas macnaheedu waxa weeyi maxkamad ayaa dib u eegi doonta go'aanka. Waxaad codsan kartaa lataliye sharci oo bilaash ah si uu kaaga caawiyo racfaanka.

**Habraaca magangalyada ee xuduudka, laguuma oggola inaad ku sii nagaato dalka inta lagu jiro habka racfaanka ilaa maxkamaddu oggolaato.**

Waxaad codsan kartaa in lagu oggolaado inaad sii joogto inta uu socdo habka racfaanka.

Waxaad u baahan tahay inaad soo gudbiso racfaankaaga iyo codsigaaga joogitaanka inta lagu jiro wakhtiga cayiman ee lagu sheegay go'aanka. Waxaad heli doontaa macluumaad faahfaahsan oo dheeraad ah haddii aad hesho go'aan diidmo ah.

Haddii aanad xaq u lahayn inaad ugusii jirto sababo kale, waa inaad ka baxda ITAALIA sida ku cad taariikhda. Haddii aanad si iskaa ah u bixin, si qasab ah ayaa lagu celin doonaa.

## ➤ WAA MAXAY XUQUUQAHAAGU?

**WAAD LEEDAHAY XAQUUQDA AAD KU HELI KARTO TAAGEERO IYO ADEEGYO MARKAAD SUGAYSO GO'AANKA CODSIGAAGA EE ILAALINTA CAALAMIGA AH**



Codsade ahaan, sharciiyan waxaad xaq u leedahay:

- inaad sii joogto wadanka masuulka ah baadhitaanka codsigaaga, gaar goobta laguugu talagalay ee ku taala xuduudka, ilaa iyo inta baadhista lagasoo gabagabaynayo, iyo
- intaad helayso taageero soo-dhawayn iyo adeegyo.

Waxaad ka heli kartaa macluumaad ku saabsan taageerada soo-dhawaynta iyo adeegyada aad heli doonto buug-yaraha gooni ah.



## WAXAAD XAQ U LEEDAHAY INAAD HESHO TURJUMAAD



Haddii aanad hadli karin luqada taliaaniga, Turjumaan ayaa kaa caawin doona inaad la xidhiidho maamulka inta lagu jiro diiwaangelinta iyo soo gudbinta codsigaaga iyo sidoo kale inta lagu jiro wareysigaaga gaarka ah. Turjumaanku waa bilaash.

Turjumaanku waa dhexdhexaad, micnaha cidna uma xaglinayo. Waxay ixtiraamaan sirta, mana la wadaagi doonaan wax kasta oo aad tidhaahdo cid ka baxsan maamulka awoodda leh.

Turjumaanku wax saamayn ah kuma laha go'aanka codsigaaga.

Si degdeg ah u wargeli maamulka haddii aadan fahmin turjumaanka ama aad u malaynaysa in turjumaanku aanu dhexdhexaad ahayn.

## WAXAAD CODSAN KARTAA TURJUMAAN IYO WARAYSTE LAB AMA DHEDIG AH MARKAAD GALAYSO WARAYSİYADA GAARKA AH, HADDII TANI AY KAA CAAWINAYSO INAAD SI BUUXDA U SHARAXDO NAFTAADA WAXYAABAHA KU SAABSAN



Iyadoo ku xidhan sababahaaga iyo haddii ay jirto fursad, codsigaaga waa la fulin doonaa.

## WAXAAD LA TASHAN KARTAA LATALIYE SHARCI (QAREEN)



Lataliye sharci waa shaqsi ku siinay kaalmo sharci oo gaar ah ama ku matalaya adiga si uu ula macaamilo maamulka. Lataliyaha sharci wuu ka madaxbanaan yahay maamulka oo wuxuu difaacayaa danahaaga. Lataliyaha sharci wuxuu kaa caawin karaa codsigaaga ilaalinta caalamiga ah, habka magangalyada, wada xidhiidhista rasmiga ah, waxaana uu kula joogi karaa inta lagu jiro wareysigaaga gaarka ah.

Waxaad xaq u leedahay inaad la tashato lataliye sharci marxalad kasta oo ka mid ah habka magangalyada adiga oo kharashka iska bixinaya.

Waxaad codsan kartaa lataliye sharci oo bilaash ah inta lagu jiro racfaanka, ilaa aad haysato adduun aad ku dabooli karto kharashka matalaaddaada sharci. Lataliyaha sharci waxaad ku heli doontaa bilaash ka dib markii codsigaaga la diiwaangeliyo.

Haddii aad doorbidayso lataliye sharci gaar ah, la wadaag maamulka faahfaahinta halka lagala xidhiidhayo sida ugu dhakhsaha badan.

La wadaag faahfaahinta lataliyahaaga sharci maamulka markaa waxay kala socon karaan waxyaabaha ku saabsan codsigaaga.

## WAXAAD XAQ U LEEDAHAY IN LAGU OGEYSIIYO OO AAD CODSATO LATALIN SHARCI OO BILAASH AH



Waxaad codsan kartaa latalin sharci oo bilaash ah inta lagu jiro habraaca magangalyada. Tan waxa kujirta latalin sharci oo kaa caawisa gudbinta codsigaaga.

Latalin sharci micnaheedu waxa weeyi waxaad heli kartaa sharaxaado ku saabsan:

- xuquuqahaaga iyo waajibaadkaaga
- habraacyada kala duwan
- arrimaha sharci.

## WAAD LA XIDHIIDHI KARTAA HAY'ADDA QARAMADA MIDOOBAY EE QAXOOTIGA (UNHCR) AMA HAY'ADO KALE.



Waxaad ogeysiin kartaa oo la xidhiidhi kartaa UNHCR ama hay'adaha la shaqeeya tallaabo kasta oo ka mid ah habraaca magangalyada.

UNHCR waxay ilaalisaa danaha iyo xuquuqda dadka codsanaya magangalyada iyo qaxootiga. UNHCR ama hay'adaha la shaqeeya sidoo kale waxay bixiyaan macluumaad iyo caawimaad loogu talagalay dadka codsanaya magangalyada.

Faahfaahinta halka lagala xidhiidhayo UNHCR iyo macluumaadka ku saabsan habraaca magangalyada waxa laga heli karaa wabsaytka UNHCR.

<https://help.unhcr.org/>.

Waxaad sidoo kale la xidhiidhi kartaa hay'ad kasta oo bixisa talo sharci ama latalin kale oo loogu talagalay codsadayasha.

## WAA MAXAY WAAJIBAADKAAGU?

### RAAC SHARCIYADA wadankaN



### JOOG wadanka AAD KA CODSATAY ILAALINTA CAALAMIGA AH



Ha isku dayin inaad u safarto dal kale oo EU+ ah.  
Ha ka bixin goobta gaarka ah ee lagu sheegay inaad degto.  
Waxaa lagu oggol yahay kaliya inaad u safarto dal kale oo EU+ ah haddii maamulku kuu oggolaadaan.

### HUBI IN MAAMULKU KU HELI KARAAN IYO INAAD ILAALISO WAKHTIYADA BALLAMAHA



Waa inaad timaadaa dhammaan ballamaha gaarka ah markasta oo ay kaa codsadaan maamulku. Waa inaad halkaa timaadaa wakhtiga loogu talagalay. Haddii aadan ka soo qayb geli karin ballan sabab macquul ah awgeed, si degdeg ah u wargeli maamulka oo sharax sababta.

## SI DHAMMAYSTIRAN ULA SHAQEEE MAAMULKA



Marka laga codsado, waa inaad samaysaa kuwan soo socda.

- Bixi faahfaahintaada shaqsigaa ah.



- Bixi dhukumentiyada aqoonsiga. Haddii aanad haysan, sharax sababta.



- Haddii faraha iyo sawiro laga qaaday.



- Gudbi codsigaaga wakhtiga iyo goobta loogu talagalay.
- Kaalay waraysiga gaarka ah oo ka jawaab su'aalaha inta lagu jiro waraysiga.



- Ogotow in lagu baadho iyo alaabahaaga la baadho, haddii ciidanka booliska codsado inay sidaa sameeyaan. Baadhitaan waxa la samayn doonaa kaliya marka loo baahdo oo ay caddayn u jirto. Maamulu waxay kuu sharixi doonaan sababaha codsiga loo samaynayo. Baadhitaanka waxa fulin doona shaqsi kula jinsi ah waxaana loo samayn doona nidaam sharaftaada la ixtiraamayo.

## SHEEG RUNTA



Waxaad sheegtaa waxa uu aad muhiim ugu yahay sumcada codsigaaga. Taasi waa sababta ay muhiim u tahay inaad daacad noqoto oo aad bixiso macluumaad buuxa oo sax ah oo ku saabsan aqoonsigaaga, qoyskaaga, dalkaaga hooyo, sababaha aad uga tagtay dalkaaga, iyo sababta aadan u doonaynin inaad halkaas ku laabato.

Waxaa dhici karta inaad xasuusan wax walba, sidaa darteedna waxaa dhici karta inaad ka jawaabi karin dhammaan su'aalaha. Haddii sidaasi dhacdo, ha samaynin jawaabaha laakiin sharax inaad xasuusan.

## BIXI FAAHFAAHINTA SAXDA AH EE HALKA LAGAALA SOO XIDHIIDHAYO EE LAGAA HELI KARO



Maamulku waa inay awoodaan inay ku helaan marka laga hadlayo codsigaaga ilaalinta caalamiga ah.

Haddii cinwaankaaga, iimaylka ama taleefanka aad baddesho, wargali maamulka isla markiiba.

## **SOO GUDBI DHAMMAAN MACLUUMAADKA IYO DHUKUMENTIYADA TAAGEERAYADA CODSIGAAGA QUESTUURADA IYO COMMIISHANK**

Haddii aad haysato dhokumantiyo aqoonsi, waa inaad soo bandhigtaa sida ugu dhakhsaha badan.

Waa inaad soo gudbisaa wixii macluumaad iyo dhukumanti kale ah oo ka caawin kara maamulka inay go'aamiyaan dalka mas'uulka ka ah baadhitaanka codsigaaga ama inay baadhaan codsigaaga. Dhukumentiyadani waxay noqon karaan, tusaale ahaan, baasaboorka, shahaadada guurka, buugga qoyska, kaadhrka aqoonsiga militariga, caddeynta shaqada, kaadhka xubinimada xisbi siyaasadeed, shahaadooyin, warbixino maxkamadeed iyo booliis, sawirro iyo dhukumanti caafimaad ama kuwo maanka ah.

Uma baahnid inaad soo gudbisoo dhukumantiyo kaliya ka kooban macluumaad guud oo ku saabsan dalkaga. Maamulka magangalyadu waxay ka warqabaan xaalada wadankaaga.



Waa inaad soo gudbisaa dhammaan macluumaadka iyo dhukumantiyada sida ugu dhakhsaha badan markaad dirayso codsigaaga. Haddii aadan haynin dhukumantiyada si degdeg ah, waa inaad soo gudbisaa marka aad hesho, inta lagu gudo jiro waraysigaaga gaarka ah, ilaa iyo inta go'aanka codsigaaga la sameeyo, sida iyo waqtiga lagu tilmaamay.

Waa waajib inaad soo bandhigto dhokumantiyo asal ah, intii suurogal ah. Waa inaad tuurin ama meesha ka saarin dhukumantiyada aqoonsiga. Waa inaad qarin wax dhukumanti ah oo khuseeya. Waa inaad waligaa soo gudbin dhokumanti been abuur ah.

Haddii ay suurtagal tahay, oo inta aysan khatar dhicin, weydii asxaabtaada ama qaraabadaada inay kuu soo diraan dhukumantiyadaada.



## WAA MAXAY CAWAAQIBKA KA DHALAN KARA HADDII AANAD KASOO BIXIN WAAJIBAADKAAS?

### HABRAACAAGA MAGANGALYO WAA LA JOOJIN DOONAA



Tani waxay dhacaysaa haddii aad diido:

- inaad bixiso macluumaad marka lagaa codsado
- in faraha iyo sawiro lagaa qaado
- sii cinwaankaaga
- ka jawaab su'aalaha inta lagu jiro waraysiga gaarka ah.

Waxa sidoo kale dhici doona haddii:

- aanad gudbin codsigaaga wakhtiga loogu talagalay iyadoo aanu jirin sabab macquul ah
- aadan ka soo qayb galin wareysiga shaqsiyeed adoon haysan sabab dhab ah.
- aadan u soo wargelin maamulka marka lagaa codsado inaad sidaas sameyso.
- aadan ku sii nagaan goobta lagugu waajibiyay inaad joogto
- aysan kula soo xidhiidhi karin maamulka
- aad ka baxdo wadanka.

Codsigaaga waxa loo tixgelin doonaa **mid la joojiyay ama la diiday**.

Tani waxay ka dhigan tahay inaad waayi karto xaaladdaada codsade ilaalinta caalamiga ah iyo dhammaan xuquuqaha la xidhiidha.

Waxaad sidoo kale go'aansan kartaa inaad ka noqoto codsigaaga wakhti kasta inta lagu jiro habka magangalyada, tusaale ahaan, sababtoo ah waxaad go'aansatay inaad dalkaga ku laabato. Kiiskan oo kale, waxaad waayi doontaa xaaladdaada codsade ilaalinta caalamiga ah.

## NOOCYADA TAAGEERADA SOO-DHAWAYNTA IYO ADEEGYADA QAAR WAA LA DHIMI KARAA AMA LA JOOJIN KARAA



Xaaladaha qaarkood prefettuurada waxay go'aamin karaan in la yareeyo ama la joojiyo nooc kamid ah taageerada ama adeegyada qaar. Prefettuuraad ayaa kugu wargalin doona go'aanada noocaas ah hab qoraal ah kadib markay qiimeeyaan xaaladaada.

Waxaad ka raadin kartaa macluumaad dheeraad ah buug-yare kale cinwaankiisu yahay "Xuquuqda iyo Waajibaadka Soo Dhaweynta".

## CODSIGAAGA WAXA LAGA YAABA IN SI XUN LOO SAAMEEYO



Haddii aad bixiso macluumaad marin-habaab ah ama been ah oo ku saabsan aqoonsigaaga ama codsigaaga, ama haddii aad baabi'iso ama aad been-abuurto dhukumanti, tani waxay saameyn xun ku yeelan kartaa codsigaaga. Codsigaaga waa la diidi karaa oo waxa laga yaabaa inaad helin ilaalin caalami ah.

Ilaalinta caalamiga ah sidoo kale lagaa qaadi karaa haddii maamulku ogaadaan goor dambe inaad runta ka been sheegtay inta lagu jiray habka magangalyada.



## WAXAAD HELI KARTAA TAAGEERO GAAR AH HADDII AAD U BAAHATO

Waa inaad maamulka si degdeg ah u wargelisaa haddii aad u baahan tahay taageero gaar ah. Baahiyadani waxay ka dhalan karaan xaalado kala duwan sida uurka, cudurka, ama waayo-aragnimooyinka dhibaatooyinka nafsi, jidheed ama galmo.

Maamulku waxay qiimayn doonaan xaaladdaada, waxayna bixiin karaan taageero dheeraad ah si loo fududeeyo ka qaybgalkaaga habka magangalyada. Tusaale ahaan, waxay shaqaale takhasus leh u qoondeyn karaan kiiskaaga ama waxay wax ka beddeli karaan muddada habraaca magangalyada.



## ➤ **MAXAA DHICI DOONA HADDII AAD RABTO INAAD KU LAABATO wadankaAGA?**

Wakhti kasta inta lagu jiro habraaca magangalyada, waxaad go'aansan kartaa inaad si iskaa ah ugu laabato:

- wadankaaga ama
- wadanka aad soo dhaaftay ama waddan kale oo saddexaad, haddii aad xaq u leedahay inaad aado.

Haddii aad go'aansato inaad si iskaa ah ugu laabato, habka magangalyadaada waa la joojin doonaa ama waa la diidi doonaa, mana yeelan doontid xaqa aad ku joogto Talyaaniga.

Haddii aad doonayso inaad si iskaa u ah u laabato, la xidhiidh si toos ah ula xiriir maamulaha xarunta soo dhawaynta ama Xafiiska Socdaalka ee awoodda u leh. Waxaad heli kartaa latalin iyo sidoo kale caawimaad ku saabsan soo noqoshadaada ammaan iyo sharci.



## **XAQIIJINTA HELITAANKA MACLUUMAADKA**

Sarkaal ayaa ku weydiin doona inaad xaqiijiso helitaanka macluumaadkan. Haddii aadan wax fahmin ama haddii aad su'aalo dheeraad ah qabto, mar walba waad waydiin kartaa.



Buug-yarahan waxa loogu talagalay keliya ujeedooyin macluumaad ah. Isagu ma abuuro xuquuq iyo waajibaad midna. Wakaalada Midowga Yurub ee Magangalyada (EUAA) ayaa soo diyaarisay qaybta ugu weyn ee qoraalkan, waxaana EUAA oo keliya u oggolaan kara in la daabaco ama wax laga beddelo buug-yarahan, taas oo loogu talagalay dalalka xubnaha ka ah Midowga Yurub. EUAA mas'uul kama aha saxnaanta, nuxurka, dhammaystirka, sharcinimada ama kalsoonida macluumaadka ku jira buug-yarahan ee ay ku dareen dalalka xubnaha ka ah Midowga Yurub ama cid kale oo mas'uul ah. EUAA iyo cid u shaqaysa toona mas'uul kama aha sida loo adeegsan karo macluumaadka ku jira buug-yarahan.

© Wakaalada Midowga Yurub ee Magangalyada, 2025



ISBN 000-00-00-00000-0  
doi: 00.0000/0000000  
AA-00-00-000-SO-C